



GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales

Iechyd a Gofal Digidol Cymru Strategaeth Gwybodeg Glinigol a Newid Busnes 2023-2026

CEFNDIR

Mae Iechyd a Gofal Digidol Cymru yn gorff cenedlaethol arbenigol yn rhan o GIG Cymru, ac mae'n bartner dibynadwy ar gyfer gwasanaethau digidol a data, gan gyflawni rhai o'r prosiectau technoleg gwybodaeth a data iechyd mwyaf yn y DU.

Rydym bellach yn ein trydedd flwyddyn fel Awdurdod Iechyd Arbennig, ac rydym yn chwilio'n gyson am ffyrdd o arloesi a gwella wrth barhau i ddarparu gwasanaethau craidd yn gyson.

Mae partneriaeth ac arloesedd yn ganolog i Gynllun Tymor Canolig Integredig ein sefydliad. Er mwyn cyflawni ein cenadaethau strategol, mae'r Gyfarwyddiaeth Glinigol yn chwarae rhan hanfodol wrth sicrhau llwyddiant y partneriaethau hynny gyda sefydliadau sy'n darparu gwasanaethau clinigol rheng flaen i gleifion. Mae strwythur tair adran i'r Model Gweithredu'r Gyfarwyddiaeth Glinigol er mwyn cefnogi'r gwaith o gyflawni ein busnes, gan gynnwys ein cynnyrch/gwasanaethau digidol a gwasanaethau data/gwybodaeth:

- Gwybodaeth, Deallusrwydd ac Ymchwil (gan gynnwys eLyfrgell)
- Llywodraethu Gwybodaeth a Diogelwch Cleifion
- Gweithwyr Proffesiynol Gwybodeg Glinigol a Newid Busnes



EIN BUSNES

Beth yw Gwybodeg Glinigol yn Iechyd a Gofal Digidol Cymru?

'Mae Gwybodeg Glinigol yn hybu dealltwriaeth, integreiddio a chymhwyso gwybodaeth mewn lleoliadau gofal iechyd. Mae Gweithwyr Proffesiynol Gwybodeg Glinigol yn sicrhau cefnogaeth ddigonol a chymwys i amcanion clinigwyr ac arferion gorau'r diwydiant.' (HIMMS).

Mae ein Gweithwyr Gwybodeg Glinigol Proffesiynol yn weithwyr iechyd proffesiynol cofrestredig sydd â chyfrifoldebau proffesiynol a chanllawiau ymarfer. Maent yn pontio'r bwlch rhwng clinigwyr ac arbenigwyr technegol i greu cyd-ddealltwriaeth ar gyfer datblygu cynhyrchion a gwasanaethau digidol. Mae hyn yn cynnwys cipio, cyfathrebu a defnyddio data a gwybodaeth glinigol i gefnogi gweithwyr iechyd proffesiynol.

Mae ein Tîm Gwybodeg Glinigol yn cyfrannu at ddiogelwch, sicrwydd a datblygiad systemau cenedlaethol gan ddefnyddio ei brofiad clinigol o fod yn ddefnyddwyr terfynol a thrwy ymgysylltu â rhwydweithiau clinigol cenedlaethol.

Ac yntau'n arweinwyr digidol o fewn proffesiynau clinigol penodol, mae'r tîm yn gweithio gyda sefydliadu addysg uwch a sefydliadau eraill i addysgu a dysgu, gan ddatblygu gwybodaeth a sgiliau digidol o fewn y proffesiynau clinigol hynny yn GIG Cymru.

Beth yw Newid Busnes yn Iechyd a Gofal Digidol Cymru?

Mae'r tîm Newid Busnes yn defnyddio Hwyluswyr Newid Busnes cyn, yn ystod ac ar ôl gweithredu i helpu sefydliadau i drosglwyddo i ffyrdd newydd o weithio.


Ar hyn o bryd mae tri math o Hwyluswyr Newid Busnes: y rhai sy'n canolbwyntio ar ymgysylltu, y rhai sy'n canolbwyntio ar e-ddysgu, a'r rhai sy'n canolbwyntio ar ddatblygu Llysgenhaddon Newid.

Mae Hwyluswyr Newid Busnes yn gweithio ochr yn ochr â'n cydweithwyr yn y GIG, cyn, yn ystod ac ar ôl rhoi systemau ar waith, gan sicrhau bod y lefel gywir o gymorth ar gael i sefydlu ffyrdd newydd o weithio.

Mae eDdysgwyr Newid Busnes yn ymgysylltu â chlinigwyr a thimau prosiect yn genedlaethol ac yn rhanbarthol. Gyda'i gilydd maent yn creu modiwlau dysgu digidol cenedlaethol sy'n hawdd eu defnyddio wedi'u hadeiladu 'gyda'n cwsmeriaid, ar gyfer ein cwsmeriaid'. Mae'r modiwlau'n sefydlu'r arferion gorau ar gyfer defnyddio ein systemau o fewn llifoedd gwaith sefydledig neu newydd.

Rydym yn datblygu Hwyluswyr Newid Busnes yn y Rhaglen Llysgenhaddon Newid 12 modiwl, trwy feithrin dealltwriaeth o sut i ddylanwadu ar newid a'i gynnal. Gwneir hyn trwy archwilio methodolegau gwahanol y gellir uniaethu â nhw ac sy'n cael eu cymhwyso'n ymarferol, wrth ganolbwyntio hefyd ar yr agweddau dyneiddiol pwysig sy'n sail i reoli newid.

Ein Strwythur o fewn y Gyfarwyddiaeth Glinigol - Mae'r tîm presennol wedi'i nodi mewn **Glas** yn strwythur y Gyfarwyddiaeth Glinigol yn y diagram isod:



CRYFDERAU, GWENDIDAU A CHYFLEOEDD ALLWEDDOL

Trwy drefniadau rheoli perfformiad y sefydliad ac Adolygiadau Cyfarwyddiaeth Glinigol cysylltiedig, rydym wedi nodi cryfderau, gwendidau, a chyfleoedd allweddol mewn perthynas â'n ffyrdd presennol o weithio:

Cryfderau

- **Arbenigwyr Pwnc Proffesiynol:** trwy ddod ag Arbenigwyr Pwnc Proffesiynol ynghyd mewn timau canolog, rydym wedi creu amgylchedd dysgu cydweithredol arloesol gyda chefnogaeth gan gymheiriaid yn yr arbenigeddau Gwybodeg Glinigol a Newid Busnes.
- **Partneriaethau Dibynadwy:** mae datblygu gwybodaeth a sgiliau ein harbenigwyr pwnc wedi ein galluogi i gryfhau partneriaethau strategol dibynadwy ar draws GIG Cymru, sy'n chwarae rhan arwyddocaol yng ngwaith datblygu, gweithredu, mabwysiadu a gwireddu buddion ein cynnyrch a'n gwasanaethau digidol.

Gwendidau

- **Llywodraethu:** nododd yr 'Adolygiad o Lywodraethu ar gyfer Mentrau Digidol a Data ar gyfer Iechyd a Gofal', a gomisiynwyd yn ddiweddar gan Lywodraeth Cymru, fod amrywiaeth yn y dull llywodraethu o ymdrin â mentrau digidol yn GIG Cymru. Nid yw pob menter yn ein sefydliad yn ymgysylltu â Gwasanaethau Gwybodeg Glinigol a Newid Busnes, nac yn eu hariannu, na'u defnyddio.
- **Model ariannu economi gymysg:** ae'r tîm presennol yn cael ei ariannu mewn darpariaeth ariannol gymysg o hen swyddi parhaol (Gwasanaeth Gwybodeg GIG Cymru), swyddi cyfnod penodol dros dro ar gyfer rhaglenni a noddur drwy Gronfa Fuddsoddi Blaenoriaethau Digidol Llywodraeth Cymru a swyddi Busnes fel Arfer Iechyd a Gofal Digidol Cymru a

ariennir mewn perygl parhaol pan fo cyllid yn cael ei drafod yn flynyddol yn rhan o Gytundebau Lefel Gwasanaeth. Mae hyn yn cael effaith sylweddol ar forâl staff, trosiant staff, cynaliadwyedd gwasanaethau a'r gallu i gadw'r amrywiaeth o arbenigwyr pwnc yr ydym wedi'u datblygu trwy fuddsoddiad ein sefydliad ynddynt.


Cyfleoedd

- **Model Gweithredu Cynnyrch:** mae darparu rhaglenni digidol cenedlaethol cymhleth, sy'n werth miliynau o bunnoedd, a systemau meddalwedd hanfodol yn heriol ac yn addewid enfawr i'r sefydliad blaenllaw. Bydd creu fframwaith ar gyfer mewnbwn clinigol a chyflawni newid busnes i gefnogi datblygu a defnyddio cynnyrch yn ymgorffori, yn gwella ac yn cynnal yr arlwy o ansawdd yn ein Model Gweithredu Cynnyrch a'n Swyddfa Rheoli Portffolio.
- **Rhwydwaith Cyflawni Newid Digidol a Gwireddu Buddion:** mae'r trefniadau partneriaeth rhwng dwy raglen y Gronfa Fuddsoddi Blaenoriaethau Digidol Llywodraeth Cymru hyn yn creu cyfle gwych i ddangos gwerth ein swyddogaethau Gweithwyr Proffesiynol Gwybodeg Glinigol a Newid Busnes. Gellir eu defnyddio i gyflwyno'r achos dros fuddsoddiad tymor hwy yn rhan o arlwy partneriaeth strategol Iechyd a Gofal Digidol Cymru er mwyn cefnogi aeddfedrwydd digidol.

DATGANIAD O WELEDIGAETH

Ysbrydoli a grymuso ein partneriaid, er mwyn llywio a mabwysiadu ein gwasanaethau digidol i wella profiad, gofal a chanlyniadau cleifion.

Rhoi pobl wrth wraidd ein gwasanaethau digidol.



DULL

- Cael **fframweithiau cyflawni** clir i'n staff a'n rhanddeiliaid gyfathrebu'r gwasanaethau a ddarperir gan Weithwyr Proffesiynol Gwybodeg Glinigol a Newid Busnes.
- **Gallu addasu.** Gan fod y strategaeth hon yn cynnwys dull integredig o fewn y sefydliad, byddwn yn adolygu ac yn monitro'r cynllun cyflawni a'r buddion yn ofalus er mwyn sicrhau bod ein fframweithiau cyflawni yn effeithiol, yn briodol, ac yn cyflawni ein nodau strategol wrth i strategaethau ein sefydliad a'n cynhyrchion gael eu datblygu.
- Sicrhau bod ein strategaeth yn cael **ei chyflawni mewn partneriaeth** yn fewnol yn Iechyd a Gofal Digidol Cymru ac yn allanol drwy gydweithio â'n rhanddeiliaid.
- **Manteisio ar dechnoleg a chyfleoedd sy'n datblygu** wrth i'r dirwedd ddigidol a'n sefydliad aeddfedu yn ystod oes y strategaeth hon.
- Addasu i **weithio o fewn yr amgylchedd sy'n datblygu**, wrth i Strategaeth Ddigidol Llywodraeth Cymru a Strategaeth Sefydliadol Iechyd a Gofal Digidol Cymru gael eu cyhoeddi a'u gweithredu.
- **Meithrin ein gallu** i ddarparu arbenigedd pwnc clinigol, a darparu addysg a datblygiad proffesiynol.
- **Cynyddu ein gallu** trwy gryfhau gwybodaeth, galluoedd a sgiliau unigolion sy'n gweithredu safonau a phrosesau proffesiynol.
- **Gwella cynaliadwyedd** y swyddogaethau hyn, gan weithio yn unol â phrosesau rheoli portffolio strwythuredig o fewn y sefydliad. Cefnogi symud i ddull seiliedig ar gynnyrch sy'n cael ei gefnogi gan Lywodraeth Cymru, gan ganolbwyntio'n well ar y defnyddiwr/prosesau clinigol.
- **Meithrin gwerth diwylliannol** gyda'n darpariaeth unigryw o gymwysterau proffesiynol a thrwy hybu'r defnydd o'r Gymraeg wrth gyflawni'r strategaeth hon.

NODAU STRATEGOL

Er mwyn gwireddu ein gweledigaeth, byddwn yn canolbwyntio ar bedwar nod strategol allweddol:

1

IECHYD A GOFAL NOD Un

Gwella ein cymorth ar gyfer darpariaeth iechyd a gofal

- Diogel
- Amserol
- Effeithiol
- Effeithlon
- Teg
- Canolbwyntio ar yr unigolyn

2

ANSAWDD NOD Dau

Mabwysiadu dull o ansawdd gyda safonau proffesiynol

- Arweinyddiaeth
- Y Gweithlu
- Diwylliant
- Gwybodaeth
- Dysgu, Ymchwil a Gwella
- Dull Systemau Cyfan

3

DYSGU NOD Tri

Sefydlu canolfan ddysgu i fuddsoddi mewn pobl

- Ein Brand
- Ein Henw Da
- Ein Cwsmeriaid
- Ein Cynladwyedd

4

GALLUOGI TRAWSNEWID NOD Pedwar

Gallu cyflawni trawsnewid digidol a gwireddu buddion yn gynt

- Gwerth
- Sgiliau a Chymwyseddau
- Ymgysylltu a Gweithredu
- Gwella Gwasanaethau a Gwireddu Buddion

1

Iechyd a Gofal

Nod Strategol: Gwella ein cymorth ar gyfer **darpariaeth** iechyd a gofal

Meysydd Ansawdd Safonau Iechyd a Gofal ⁽¹⁾	Ble rydym ni eisiau bod? Cyd-fynd â Safonau Iechyd a Gofal	Sut byddwn yn gwneud hyn?
Diogel	Bod yn ddarparwr datrysiadau technoleg iechyd dibynadwy a diogel o ddewis ar gyfer ein partneriaid iechyd a gofal cymdeithasol.	Cefnogi gweithredu Safonau Rheoli Risg Clinigol i sicrhau bod cynhyrchion digidol o ansawdd uchel, sy'n ddibynadwy iawn, ac sy'n glinigol ddiogel (yn fewnol neu sydd ar gael yn gyffredin) yn gwneud y mwyaf o gyfleoedd er mwyn sicrhau'r canlyniadau gorau i gleifion.
Amserol	Cyd-fynd â blaenoriaethau clinigol cenedlaethol o ran amseriad ac argaeledd ein cynhyrchion a gwasanaethau newydd.	Cefnogi Strategaeth Cynnyrch Iechyd a Gofal Digidol Cymru trwy neilltuo arweinydd clinigol i bob un o gynhyrchion clinigol digidol Iechyd a Gofal Digidol Cymru i sicrhau bod blaenoriaethau rhwydwaith clinigol yn cael eu hystyried mewn mapiau datblygu.
Effeithiol	Darparu gwybodaeth ddigidol i weithwyr gofal iechyd proffesiynol i hwyluso penderfyniadau, gofal a thriniaeth glinigol er mwyn sicrhau'r canlyniadau gorau posibl sy'n bwysig i gleifion, gofalwyr a'u teuluoedd.	Gweithio gyda rhwydweithiau clinigol a thimau Safonau Data a Gwasanaethau Gwybodaeth Iechyd a Gofal Digidol Cymru i safoni prosesau digidol a chasglu data, ac i ddatblygu a chymhwyso safonau data cenedlaethol i systemau meddalwedd clinigol a ddatblygir yn fewnol neu a gaffaelwyd gyda'n cefnogaeth ar gyfer GIG Cymru.
Effeithlon	Dangos tystiolaeth bod cynhyrchion a gwasanaethau digidol clinigol wedi'u cynllunio i alluogi dull gweithredu yn seiliedig ar werthoedd sy'n gwella canlyniadau sydd bwysicaf i bobl, mewn ffordd gynaliadwy sy'n osgoi gwastraff.	Datblygu fframwaith arferion gorau ar gyfer Gweithwyr Gwybodeg Glinigol Proffesiynol i gefnogi'r gwaith o nodi gofynion ar gyfer cynhyrchion a gwasanaethau, gan sicrhau eu bod yn elfen effeithiol o lifau gwaith clinigol a llwybrau cleifion.
Teg	Mae ein cynhyrchion a'n gwasanaethau clinigol digidol wedi'u cynllunio i'w defnyddio'n genedlaethol i roi cyfle cyfartal i'n holl bartneriaid iechyd a gofal wireddu'r buddion a fwriedir o'r datrysiadau.	Bod â Thîm Gwybodeg Glinigol a Newid Busnes wedi'i ariannu'n graidd, gyda phartneriaethau gwaith gyda phob sefydliad ar draws GIG Cymru.
Canolbwyntio ar yr unigolyn	Mae ein cynhyrchion clinigol digidol yn cael eu datblygu i ddiwallu anghenion y bobl sy'n eu defnyddio, gan sicrhau bod ystyriaeth yn cael ei rhoi i ddewisiadau, anghenion a gwerthoedd cleifion .	Our digital clinical products are developed with effective clinical engagement and with the adoption of formal centered user design and user interface standards within our product operating model.

⁽¹⁾ Deddf Iechyd a Gofal Cymdeithasol (Ansawdd ac Ymgysylltu) (Cymru) 2020 www.llyw.cymru/y-ddyletswydd-ansawdd-yng-ngofal-iechyd

2

Ansawdd

Nod Strategol: Mabwysiadu **dull o ansawdd** gyda safonau proffesiynol

Galluogwyr y Ddyletswydd Ansawdd	Ble rydym ni eisiau bod? Cyflawni ein Dyletswydd Ansawdd	Sut byddwn yn gwneud hyn?
Arweinyddiaeth	Bod ag arweinwyr gweledol sy’n talu sylw yn ein Gwasanaeth Gwybodeg Glinigol a Newid Busnes ar gyfer ein sefydliadau partner yn y sector cyhoeddus	Cynyddu ein hamlygrwydd a’n rôl o fewn Model Gweithredu Cynnyrch Iechyd a Gofal Digidol Cymru, er mwyn hyrwyddo gweledigaeth a gwerthoedd Iechyd a Gofal Digidol Cymru ar draws Cymru fel arweinydd ym maes iechyd a gofal digidol.
Y Gweithlu	Recriwtio, cadw a datblygu rolau i sicrhau bod gennym ni ddigon o bobl hyderus gyda’r wybodaeth a’r sgiliau cywir i ddarparu systemau o ansawdd ar gyfer iechyd a gofal.	Cefnogi Strategaeth Pobl a Datblygu Sefydliadol Iechyd a Gofal Digidol Cymru i ddatblygu ein teuluoedd swyddi o fewn y Fframwaith Gallu Proffesiwn Digidol, Data a Thechnoleg a Mwy ar gyfer y sefydliad (DDaT Plus), gan sicrhau bod cofrestriad proffesiynol yn cyd-fynd â sgiliau digidol. Gweithio gyda sefydliadau addysg uwch i ddarparu addysg ddigidol yn allanol.
Diwylliant	Byw ein gwerthoedd sefydliadol mewn gweithle cynhwysol lle mae pobl yn teimlo’n ddiogel yn seicolegol i godi pryderon a rhoi cynnig ar syniadau a dulliau cydweithredol newydd.	Egluro ein rôl, ein cyfrifoldebau a’n targedau i’w cyflawni mewn mentrau digidol cydweithredol a gwella ein hamlygrwydd, canolbwynt ac atebolrwydd.
Gwybodaeth	Sicrhau bod gwybodaeth glinigol ar gael ac yn cael ei rhannu mewn modd priodol ar gyfer gweithwyr iechyd a gofal proffesiynol sydd ei hangen.	Triongli gofynion gwybodaeth o safonau gwybodaeth, gwasanaethau gwybodaeth a gofynion clinigol i sicrhau y gallwn gynhyrchu gwybodaeth ddeallus am fesurau canlyniadau i wella cynhyrchion a gwasanaethau clinigol.
Dysgu, Ymchwil a Gwella	Hyrwyddo dysgu parhaus, gwella ansawdd ac arloesi yn y tîm yn ogystal ag addysg gweithwyr iechyd proffesiynol, myfyrwyr a defnyddwyr eraill trwy ein partneriaethau.	Cefnogi ymchwil gyda’n partneriaid i lywio datblygiad cynnyrch clinigol a hyfforddiant i adlewyrchu llifoedd gwaith clinigol, yn unol â chanlyniadau arolwg defnyddioldeb systemau digidol KLAS Research.
Dull Systemau Cyfan	Cefnogi Swyddfa Rheoli Portffolio newydd Iechyd a Gofal Digidol Cymru gan ddefnyddio dull cyson mewn perthynas â safonau proffesiynol, arweinyddiaeth glinigol, llywodraethu clinigol, ymgysylltu, a dysgu wrth ddatblygu prosiectau, rhaglenni a chynhyrchion.	Creu fframwaith cyson ar gyfer arferion gorau ac atebolrwydd Gwybodeg Glinigol a Newid Busnes mewn prosiectau, rhaglenni a chynhyrchion sy’n gwella prosesau sicrwydd cyfredol gan gynnwys y broses Cais am Wasanaeth Newydd a phroses Grŵp Sicrwydd Gwybodeg Cymru.

3 Dysgu Nod Strategol: Sefydlu canolfan ddysgu i fuddsoddi mewn pobl		
Ein Cenhadaeth	Ble rydym ni eisiau bod?	Sut byddwn yn gwneud hyn?
Ein Brand	Cael brand a chylch gwaith clir o fewn tirwedd dysgu a datblygu GIG Cymru.	Byddwn yn datblygu Canolfan Ddysgu GIG Cymru yn ein brand Iechyd a Gofal Digidol Cymru gyda chysiau hyfforddi achrededig trwy ein partneriaeth â Sefydliad Gwybodaeth Ddigidol Cymru (WIDI). Cydweithio â'n partneriaid i ddarparu cysiau achrededig i gefnogi trawsnewid digidol ac aeddfedrwydd digidol ar draws y sector cyhoeddus yng Nghymru.
Ein Henw Da	Bod ag enw da am gyflwyno cysiau hyfforddi achrededig o safon uchel ar gyfer gweithwyr proffesiynol ar bob lefel.	Byddwn yn denu cefnogaeth gref gan ein graddedigion a Llywodraeth Cymru ar gyfer ein cysiau. Dangos tystiolaeth o effaith a manteision ein cysiau hyfforddi ar gyfer y sefydliadau hynny sy'n noddi myfyrwyr. Sefydlu tîm proffesiynol i fanteisio ar lwyddiannau cenedlaethol a lleol hyd yma a gweithio gyda rhanddeiliaid allweddol ar draws GIG Cymru gan gynnwys timau cynllunio, trawsnewid gwasanaethau a digidol lleol i ychwanegu at unrhyw weithgarwch cyfredol a gwreiddio llwybrau proffesiynol a llwybrau gyrfa ychwanegol.
Ein Cwsmeriaid	Denu sylfaen cwsmeriaid ehangach ar gyfer cysiau achrededig ar draws y sector cyhoeddus.	Byddwn yn cynnig rhagor o gyrsgau ac yn eu gwneud yn fwy perthnasol i sylfaen cwsmeriaid ehangach, y tu hwnt i GIG Cymru, yn y sector cyhoeddus. Safoni'r ffordd y mae cysiau newid busnes achrededig wedi'u teilwra'n cael eu datblygu a'u cyflwyno gan ddefnyddio ein 'templed ar gyfer llwyddiant' a ddatblygwyd gyda WIDI a'n partneriaid prifysgol. Byddwn hefyd yn hyrwyddo ac yn hybu'r defnydd o'r Gymraeg.
Ein Cynladwyedd	Creu adnodd dysgu a datblygu cynaliadwy hirdymor i weithio ar y cyd mewn partneriaethau cadarn.	Byddwn yn datblygu cynllun busnes ar gyfer adennill costau a chysiau newydd i sicrhau dyfodol fforddiadwy a chynaliadwy i'r Ganolfan Ddysgu y tu hwnt i oes cyllid y Rhwydwaith Cyflawni Newid Digidol. Cynyddu nifer yr hyfforddwyr cymwys yn y tîm i gyflwyno nifer cynyddol o gyrsgau sy'n cefnogi datblygiad galluoedd digidol yn Fframwaith Galluoedd Digidol AaGIC.

4

Galluogi Trawsnewid

Nod Strategol: Gallu cyflawni trawsnewid digidol a gwireddu buddion yn gynt

Ein Cenhadaeth	Ble rydym ni eisiau bod? Cyd-fynd â Chynllun Rhwydwaith Newid Digidol	Sut byddwn yn gwneud hyn?
Gwerth	Cael ein cydnabod am ein cyfraniad at werth economaidd sylweddol drwy gynyddu sgiliau digidol a chynhwysiant ymhlith partneriaid gofal iechyd yng Nghymru.	Sefydlu Rhwydwaith Cyflawni Newid Digidol, gan ganolbwyntio ar ddatblygu sgiliau a chymwyseddau, ymgysylltu a gweithredu, a gwella gwasanaethau a gwireddu buddion. Tystiolaeth o’n gwerth i gynyddu’r ystod o gynhyrchion sy’n cael eu datblygu y caiff adnoddau Newid Busnes a Gwybodeg Glinigol eu hariannu i’w cefnogi.
Sgiliau a Chymwyeddau	Creu diwylliant o fodelau rôl ar gyfer y sgiliau a’r cymwyseddau sy’n allweddol i sicrhau newid busnes llwyddiannus, gan greu dealltwriaeth ehangach yn GIG Cymru o’r sgiliau a’r dulliau sydd eu hangen i gyflawni newid digidol o ansawdd uchel yn gyflym.	Cefnogi Swyddfa Rheoli Portffolio Iechyd a Gofal Digidol Cymru i safoni a dogfennu arferion gorau ym methodoleg Cymru gyfan ar gyfer gweithredu newid busnes. Ymgysylltu a brandio gwasanaethau gwybodeg glinigol a newid busnes a chymorth sydd ar gael. Datblygu Rhwydwaith Cymheiriaid Graddedigion Llysgenhadon Newid ar gyfer gweithredu newid.
Ymgysylltu a Gweithredu	Meddu ar y capasiti a’r gallu i arwain ar waith hyfforddi, defnyddio a mabwysiadu cynnyrch cenedlaethol .	Mesur y gwerth a ychwanegir gan Newid Busnes wrth drefnu, mabwysiadu a defnyddio cynhyrchion cyfredol yn effeithiol, i wneud yr achos dros fuddsoddi mewn adnoddau Newid Busnes yn rhan o ddull seiliedig ar gynnyrch y sefydliad a Chynllunio Tymor Canolig Integredig.
Gwella Gwasanaeth a Gwireddu Buddion	Hyrwyddo’r fframwaith gwireddu buddion cenedlaethol , gan gefnogi ei fabwysiadu ar draws GIG Cymru i ddangos gwerth digidol.	Cefnogi’r gwaith o ddatblygu a mabwysiadu Pecyn Cymorth Gwireddu Buddion Digidol ar gyfer GIG Cymru ac offer gwella parhaus i sicrhau’r gwerth mwyaf posibl o gymwysiadau Microsoft 365 ar gyfer gweithgarwch newid busnes ledled Cymru.

CANLYNIAD

Canlyniadau cyflawni'r strategaeth hon yw:

- **Partneriaethau Cryfach:** Mae ein statws fel partner strategol dibynadwy yn gryfach wrth gynnwys arbenigedd arweinyddiaeth glinigol a newid busnes, gan gydnabod er nad ydym yn darparu gwasanaethau clinigol rheng flaen, y gallwn gyfrannu'n sylweddol gyda chefnogaeth i'n partneriaid sy'n gwneud hynny.
- **Cael y Gwerth Mwyaf Posibl o Wasanaethau:** Mae'r gwasanaethau ymgysylltu clinigol ac ymgysylltu â defnyddwyr a ddarperir gan y Gyfarwyddiaeth Glinigol yn cael eu defnyddio i gael y gwerth mwyaf posibl o fewn ein partneriaethau dibynadwy.
- **Cael y Buddion Mwyaf Posibl o fewn y Model Gweithredu Cynnyrch:** Mae Gwasanaethau Gwybodeg Glinigol a Newid Busnes o fewn Model Gweithredu Cynnyrch ein sefydliad yn cael eu defnyddio'n effeithiol i sicrhau'r manteision mwyaf posibl ac effaith economaidd technoleg ddigidol i economi iechyd a gofal Cymru.
- **Galluogi'r Dull Cynnyrch:** Mae buddion ein dull Cynnyrch Iechyd a Gofal Digidol Cymru yn cael eu gwireddu a'u gwella'n sylweddol gyda mewnbwn clinigol, hyfforddiant, a defnydd o gynhyrchion digidol ar draws GIG Cymru.
- **Mae ein Staff a'n Rhanddeiliaid yn Wybodus:** Mae pobl yn cymryd rhan yn y gwasanaethau a ddarperir gan Wybodeg Glinigol a Newid Busnes.
- **Ychwanegu Gwerth Diwylliannol:** byddwn yn cefnogi'r newid diwylliannol i gynyddu a hyrwyddo'r defnydd o'r Gymraeg yn ein tîm a thrwy ein cyrsiau a'n deunyddiau yn y Ganolfan Ddysgu.
- **Rydym yn Esiampl Dda:** Rydym yn dysgu o arferion gorau i ddod yn esiampl dda ar gyfer datblygu a defnyddio datrysiadau meddalwedd digidol.
- **Rydym wedi ein Grymuso ac yn Denu Talent:** Mae ein pobl ym maes clinigol a newid busnes wedi'u grymuso i arwain newid trawsnewidiol ac i ddenu talent i'n sefydliad.



GWERTHUSO A MESUR

Byddwn yn gwerthuso a mesur y gwaith hwn mewn amrywiaeth o ffyrdd, gan gynnwys:

- Gwireddu buddion ein gwaith, gan ddefnyddio'r fframwaith gwireddu buddion newydd ac Offer Canolfan Ragoriaeth Microsoft i ddatblygu cynllun gwireddu buddion i adrodd ar fuddion mesuradwy i ddangos gwerth.
- Monitro Cynllun Gweithredu'r Strategaeth sy'n cyd-fynd ag ef
- Ymgysylltiad ac adborth rhanddeiliaid a chael ein cymeradwyo ganddynt
- Astudiaethau achos gwerthuso ac effaith o'n rhaglenni proffesiynol achrededig
- Adborth gan ein staff am ein fframweithiau cyflawni
- Adborth am ein cynnyrch mewn arolygon GIG Cymru, e.e. arolwg defnyddioldeb KLAS Research
- Adborth gan ein partneriaid ar weithgareddau lleoli a mabwysiadu
- Parhau i fonitro gweithgareddau ymgysylltu

Bydd ein dull gweithredu yn cael ei adolygu'n rheolaidd a'i addasu i ymateb i unrhyw anghenion sy'n newid a sicrhau bod dysgu a gwella parhaus yn digwydd i gyflawni arferion gorau.



IGDC GWERTHOEDD

Credwn fod ein gwerthoedd yn rhan annatod o bopeth a wnawn a byddant yn cael eu hadlewyrchu ym mhob rhyngweithiad a chydweithwyr, rhanddeiliaid, cwsmeriaid presennol a chwsmeriaid posibl.



CYDWEITHIO

Cydweithio
Gwaith tîm
Cefnogi a herio
Gwrando gwerthfawrogi
ein gilydd
Gwerthuso / myfyrio
Dysgu parhaus



ARLOESI

Meddwl creadigol
Dewrder
Trawsnewid
Croesawu newid
Uchelgeisiol



CYNHWYSOL

Amrywiaeth
Cydraddoldeb
Parch
Tegwch
Chwarae teg
Dathlu llwyddiant a
chyflawniadau



RHAGORIAETH

Ansawdd
Gwelliant parhaus
Anelu at sicrhau
canlyniadau da
Balchder yn yr hyn a
wnawn
Atebolrwydd
Grymuso



TOSTURIOL

Urddas
Caredigrwydd
Empathi
Cyfrifoldeb personol
Ymddiriedaeth